



— Тасодифий учрашувлар ҳар кимга ҳам яхшилик келтиривермаслигига ишонмасдим, — дейди Анастасия. — Кўринишидан туппа-тузук йиғитлар эди. Ёқимтой, ширинсўз, меҳрибонгина.

Ҳа, одамнинг оласи ичида, деганлари рост. Рост бўлмаса, Анастасия уларнинг сиртига қараб синадим, деган ҳаёлга борармиди! Устига устак уларга ишониб, уйига таклиф этармиди!

Вячеслав билан Дмитрий бекорчиликдан нима қиларини билмай Самарқандга отланишди. Аслида Дмитрий Новосибирскдаги ўқишдан таътилга келганди. Ҳеч қаерда ўқимайдиган Вячеславга қўшилди-ю, айниди-қолди. Самарқандни айланиб келиш таклифи ҳам Вячеславдан чиққанди.

Улар Самарқандда Анастасияни учратиш қолишди. Гап гапга уланиб, ўртада илқ дўстона, тўғривоғи ошиқона вазият вужудга келди.

УЧРАШУВ

Ёқимтой йиғитчалар кечгача қиз билан кўҳна Самарқандни айлангач: «Борар жойимизга чипта қолмабди, энди қаерда тунаймиз!», — деган баҳонани кўрсатишди.

Соддагина Анастасия аллақачон «эзибли» Дмитриини, ишбилармон, гапга чечан Вячеславни ёқтириб қолган бўлиб, уларнинг яхшилигига яхшилик билан жавоб қайтармоқни кўнглига тугди.

— Бизникига бора қолинглар. Барибир бўш экансизлар. Қаршини ҳам томоша қилиб кетасизлар.

— У, биз ростдан ҳам Қаршини кўрмаганмиз. Лекин қандоқ бўларкин!

— Ота-онам тушуншадиган одамлар. Бу ёғидан хавотирланманглар. Кетдикми!

— Кетдик.

Улар қизникига келишганда, уйда ҳеч ким йўқ эди. Меҳмонлар сиполикин дўндирдилар.

Эрталаб эса барвақт туриб, мезбондан одоб юзасидан 400 сўм қарз сўрашди. Анастасия: «Бунча пулим йўқ», — деганини билди. холос. Янги танишлари чаққонликда бировлардан кам жойи йўқ экан. Дарров қизнинг қўл-оёқларини маҳкам чандиб ташлашди. Енгларини шимариб, олифта-гарчиликни йиғиштириб қўйишда, тинтувани бошлашди. Бир зум ўтмай 21.533 сўм нақд пулни топиб олдилар. Дидлари ҳам чакки эмаскан. Кийимлар, буюмларнинг сараларини жомадонга ихчамгина жойладилару Анастасиянинг юзларидан чўлпиллатиб ўлиб хайр-хўш қилдилар.

Ҳамма ёқ алғов-далғов. Фақат мезбонгина пиқиллаганча арқонларни ечишга тинмай урнанади. Қиз арабга ўзини халос қилди-ю, милицияга хабар бергани телефонга югурди.

Қарши шаҳар ИИБ оператив ходимлари оёққа турди. Зудлик билан йўллар тўсилди. «Ёқимтой меҳмонлар» Самарқанд-Қарши йўлида қўлга олиндилар.

М. ИБРОҲИМОВА.

«САХОВАТ»ДАН БЕЗИБ БЎЛДИК

Йил бошида туриб, ортга бир назар ташламоқлик, ўтган кунларни, қилинган ишларни сарҳисоб қилмоқлик одатимизда бор нарса. Шундан келиб чиқиб фаолиятимизни таҳлил этадиган бўлсак, ижобий томонга бўлган ўзгаришларни айтиб ўтмасдан иложимиз йўқ. Ўтган йил давомида жиноят қидирув йўналиши бўйича содир этилган 121 та жиноят рўйхатда қайд қилинди. Бу рақам 1990 йилга нисбатан яқин ўн фоизга кам демакдир. Жиноятларнинг очилиши эса 84 фоизни ташкил этди. Бу рақамлар бироз бўлсада кўнгилни таскин топтиради, албатта. Тун-кун демай қилган хизматларимиз бесамар кетмабди. Бошқа бир қатор турдаги жиноятлар ҳам камайди. Аммо...

Туманимизда истиқомат қилаётган 115 минг нафар аҳолининг қарийб ярми, аниқроғи 53,4 минг нафари меҳнатга қобилиятли кишилар. Лекин шулардан яқин тўрт минг нафари (аксарият ёшлар) ижтимоий фойдали меҳнат билан банд қилинмаган. Карвон кўп, ризқи бўлак, дейишади. Уларнинг айримлари ҳозирги қийинчиликлар, етишмовчиликлар даврида ҳатто бошқалардан яхшироқ яшашяпти. Афсуски, пешона тери эвазига топилган пуллар ҳисобига эмас.

Узоққа бормасдан ўтган ой якунлари ҳақида тўхталмоқчиман. Бир ойда жиноят қидирув йўналиши бўйича 13 та жиноят содир этилди. Шундан ўнтаси очилди. Характерлиси шундаки, бу жиноятларнинг саккизтаси ёшларнинг ўғирликка қўл уриши натижасида содир этилган.

Масалан, 15 январга ўтар кечаси техникаларни сошлаш ва қайта таъмирлаш корхонасига қарашли енгил автомобилларни тузатиш устахонасидан бешта баллон, битта орқа ойна ўғирланган. Олиб борилган суриштирув ва қидирув ишларидан сўнг 30 январь кунини ўғирликни содир этганлар қўлга олинди. Улар 23-32 ёшлардаги Рустам Е., Уктам А., Шухрат Л. лар бўлиб чиқди.

27 январь кунини эса Навоий номли жамоа хўжалигида яшовчи Маҳмуджон Қодировнинг олти ёшли бўғоз сигири ўғирланган. Бу воқеа ҳақида хабар олинishi биланоқ шошилиш чора-тадбирлар тузилди. Ҳар бир қассобхонада сўйилган молларнинг ҳужжатлари, миқдори текширилди. Темирни қизигида босишимиз яхши самара берди. Ўғирланган бўғоз сигир сўйилиб (боласи увол қилинган), гўшти аҳолига сотилаётган пайтда сир фош этилди. Жиноятчи гуруҳ аъзолари 19 ёшли Зокир Ёқубов, 26 ёшли Соиб Қорабоев, 18 ёшли Акрам Ҳамидов, 22 ёшли Аваз Уриновларнинг башаралари эл-юртга ошкор этилди. Аввалроқ бир бош қўй ҳам ўғирлаб, гўштини кадоб қилиб сотиб

юборишганлиги ҳам аниқланди. Зокир Ёқубовнинг уйи тинтув қилинганда, уч килограмм, Соиб Қорабоевнинг уйи тинтув қилинганда эса, юз грамм наша топилди.

Эндигина 20-22 ёшга кирган Р. Раҳмонов, Д. Турсунов, А. Сатторовларга нима етишмайди? Улар ҳам 27 январга ўтар тунда И. Ҳамдамовнинг шахсий мотоциклини ўғирлаганлар. Орадан уч кун ўтиб, бу жиноят ҳам фош этилди.

Юқоридаги ўсмирларнинг деярли ҳаммаси ижтимоий фойдали меҳнат билан шуғулланмайдиган, иродалари бўш, қийинчиликларга бардошсиз ёшлардир.

Шу ўринда ўзимни кўп ўйлантираётган таклифимни билдирмоқчиман.

1990 йил 5 октябрда Маҳмуд Ҳасанов деган йиғит фуқароларнинг шахсий мулкни ўғирлаганлиги аниқланган. Материаллар тўпланиб, судга оширилган. Бироқ ўғри йиғит тилхат билан очиқда қолаверган. Орадан кўп вақт ўтмади. 1991 йил 31 июнь куни у Неъмат Ботиров деган шериги билан биргаликда яна ўғирликка қўл урган. Бу ўғирлик ҳам чуқур ўрганилиб, тўпланган ҳужжатлар судга юборилган. Бироқ Маҳмуд яна тилхат билан очиқда қолаверган.

Ғайрат Саломов деган 19 ёшли йиғитча 17 ёшида (бундан икки йил аввал) бир кечанинг ўзида уч шериги билан олти жойда (1) ўғирлик қилган. Бу жиноий иш ҳам ўрганилиб, материаллар судга оширилган. Аммо Ғайрат тилхат билан очиқда қолдирилган. Бундан «илҳомланган» ўсмир орадан ярим йил ҳам ўтмасдан бошқа икки шериги билан хонадон ўғирлигига кирган. У иккинчи гал ҳам тилхат билан жазодан қутулган.

Иброҳим Мамадалев, Илҳом Қийиқов каби қатор ёшларнинг қилмишлари ҳам ана шундай тарзда. Қонунимизнинг беқиёс «саховати»дан баҳраманд бўлганлар. Афсуски, бу «саховат» кутилган натижага олиб келмаяпти.

Демак, ҳозирги қийинчилик, етишмовчилик даврида фуқаролар тинчлиги, осойишталигини ўйлайдиган бўлсак, ўғирларга нисбатан қонун доирасида қаттиққўл бўлишга тўғри келади. Токи жазо муқддатини кейинга суришлар, мажбурий хизматлар, ҳадеб жарима солаверишлар, очиқда қолдиришларга ўрни билан чек қўйилсин, токи бир марта сийланган жиноятчи иккинчи марта адашмасин, кўзларини очсин, ақлини йиғиб олсин. Акс ҳолда бизларга ҳам, фуқароларга ҳам, ўғирларнинг ўзларига ҳам тинчлик, осойишталик бўлмайди.

Адҳамжон МАНИЕЗОВ,
Балиқчи тумани ИИБ бошлиғи
милиция подполковниги.

СўРАГАН ЭДИНГИЗ!

ИМТИЁЗ САҚЛАНИБ ҚОЛГАН

Кейинги кунларда таҳририятимиз милиция ходимларидан жамоат транспортида чипта билан юриш талаб қилинаётганлиги ҳақидаги хабарларни кўплаб олмақда. Автобус ҳайдовчиларининг таъкидлашларича, автомобил транспорти вазирлиги кўрсатмасига мувофиқ милиция ходимлари учун жамоат транспортдан бепул фойдаланиш ҳуқуқи бекор қилинган эмиш.

Биз Тошкент шаҳар ИИБ қошидаги қўриқлаш бошқармаси 6-ротаси, Қибрай тумани ИИБ ходимлари ва бошқаларнинг илтимосини инобатга олиб, бу ҳақда автомобил транспорти вазирлигидан тушунтириш беришларини сўрадик. Қуйида вазир ўринбосари М. Алиев имзоси билан олинган 06/1 — 6/49 рақамли хатни эълон қилмоқдамиз.

«Совет милицияси тўғрисида»ги қонунга мувофиқ ички ишлар идоралари ходимларига шаҳар, шаҳаролди ва маҳаллий йўналишдаги жамоат транспортдан (таксидан ташқари), қишлоқ жойларда йўлақай транспортдан текин фойдаланиш ҳуқуқи берилган.

Юқорида кўрсатилган қонун асосида милиция ходимлари шаҳар ва шаҳаролди ҳамда туман ҳудудида қатновчи автобусларда текин юриш ҳуқуқига эгадирлар».

ҲАММА МАНФААТ КЎРАДИ

Мен Тошкент трактор заводида ишлайман.

Ўтган йили нон дўконига чиқиб, яп-янги велосипедимни ўғирлатиб қўйдим. ИИБга қилган мурожаатларим бекор кетди.

Мен бир таклиф билан ўртоқлашмоқчи эдим. Матлумки, ҳар бир ИИБда машина, автоуловларни олиб қочганлардан мусодара қилинган турли темир-терсақлар бор. Қисмларга ажратилган бу эҳтиёт қисмларнинг эгаси чиқмаган тақдирда, уларни сотиш йўлга қўйилса бўлмасмикин? Бундан менимча, бўлим ҳам, фуқаролар ҳам манфаат кўришарди.

С. ШЕРТОВ.



Анвар Қурбоннинг эл осойишталиги йўлида хизмат қилаётганига ҳам йиғирма тўрт йил бўлибди. Ўтган давр мобайнида турли вазифаларда ишлади. Омадли кунлари ҳам, тушкунликка тушган дамлари ҳам бўлди. Доим оромидан ташвиши олдин юрарди. Ҳаммасига қўл силтаб кетиш эса эр кишининг иши эмас. Чидади. Ана шу чидам унга обрў келтирди, танилди.

Уи икки йилдики, Киров тумани ички ишлар бўлимида аввалига участка вакили, кейинроқ катта участка вакили вазифасида хизмат қилляпти.

А. Қурбоннинг «Ғалаба» оромгоҳи, «Ишчилар шаҳарчаси»да осойишталигини таъминлаш топширилган. У ўттиз мингга яқин фуқаро билан мулоқот қилади. Албатта, осон эмас. «Жумҳурият»да хизмат кўрсатган участка инспектори» кўкрак ишончи ҳам бежизга берилмаган.

СУРАТДА: милиция майори А. Қурбон.

Ҳ. ШОДИЕВ олган сурат.

НА ҚОНУН, НА ШАРИАТ КЎТАРАДИ

ОЧИҚ МУЛОҚОТ

Маълумки, сўнги ойлар ичида Наманган вилоятида бўлиб ўтган баъзи бир воқеалар шов-шувларга сабаб бўлган эди. «Адолат», «Ислом лашкарлари» деб номланган уюшмалар тузилибди. «Жиноятчилик кескин камайиб кетибди» каби миш-мишлар оғиздан-оғизга кўчганди. Баъзилар яхши ишга қўл урилибди, дедилар.

Лекин наманганликлар бундан таҳликага тушиб қолдилар. Чунки юқорида қайд этилган уюшмаларнинг қилаётган ишлари на қонунга, на шариятга тўғри келарди.

Яқинда Ўзбекистон ички ишлар вазирининг ўринбосари милиция полковниги Урайим Абдуғаниев Наманганда бўлиб, шойи ишлар чiqариш бирлашмаси ишчилари билан учрашув ўтказди. Учрашувнинг ай-

нан шу корхонада ўтказилишининг сабаби бирлашма вилоятдаги энг катта жамоалардан бири ҳисобланади. Унда 13,5 минг киши меҳнат қилади, шуларнинг 80 фоизи хотин-қизлар. Учрашувдан кўзда тутилган мақсад вилоят ички ишлар ходимларининг халқ олдида ҳисоботини тинглаш ва аҳолининг фикр, эътироз, дардларига қулоқ солиш эди.

Дарҳақиқат, ишчилар ўз фикр-мулоҳазаларини очиқ айтдилар. Кўпчилик савдодаги сунистеъмолчиликлар, чайқовчилик ҳақида гапириб, вазир ўринбосаридан бундай номаъқулчиликларга чек қўйилишини талаб қилдилар. У. Абдуғаниев масъул ходимларга шу ернинг ўзида аниқ топшириқлар бериб, бу ишни ўз назоратига олди. Шундан сўнг гап биз юқорида изох-

лаб ўтган «Адолат» ва «Ислом лашкарлари» деб номланган норасмий уюшмаларга бориб тақалди.

Урайим Абдуғаниев уюшмаларнинг фаолияти ноқонуний эканлигини таъкидлади. Агарда чиндан ҳам уларнинг мақсади халқ осойишталигини қўриқлаш бўлса, у ҳолда қонуний равишда рўйхатдан ўтишлари ва Ўзбекистон қонунчилиги асосида иш юритишлари зарурлигини уқтирди.

Сўзга чиққан ишчилардан бири уюшма аъзолари томонидан тазйиққа олинганлигини айтди. «Намоз ўқимасам, жазо олишим тайин эканлигини айтдилар». — деди у. Яна бир сўзга чиққан қиз эса кўча-кўйда ҳадиксираб юрганлигини, аёллар ҳам уларнинг таъқибига учраганликларини билдирди. Бу-

нинг учун, у милиция ходимларини қатъиятсизликда айблаб, зудлик билан вилоятда қонунчиликини барқарор топтиришни талаб қилди.

Ҳа, чиндан ҳам милиция ходимлари қатъиятсизликка йўл қўйганлар. Оқибатда «Ислом лашкарлари» ва «Адолат» каби уюшма аъзолари динимизни ўзларининг зўравонлик қуролига айлантириб олдилар. Бир қанча қонунбузар ва бегуноҳ кишилар улар томонидан қаттиқ калтакланганлиги ҳам бунинг исботидир. Ҳаттоки касалхоналарга оғир тан жароҳати олган кишилар ҳам келтирилган. Албатта, бундай йўл билан жиноятчиликка чек қўйиб бўлмайди. Қолаверса, қонун ҳам, шарият ҳам зўравонлик сиёсатини қоралайди.

— Ислом дини поклик, софдиллик, адолатга асосланган. Барча мусулмонлар бунга итоат этишлари шарт, — деди У. Абдуғаниев. — Ҳақиқатдан ҳам уюшма аъзолари адолатсизларча иш қўришган. Уларнинг айримлари Ўзбекистон Республикасининг қонунига мувофиқ жавобгарликка тортилиши керак.

Кишини масжидга бориб намоз ўқишга мажбур этиш, унга тазйиқ ўтказиш ноинсофликдан бошқа нарса эмас. Мен бу мақолани ёзаётганимда диний назоратда ишловчи бир нуфузли домладан маслаҳат сўрадим. Айтдиларки, барча кишиларни намоз ўқишга ташвиқот қилиш мумкин экан. Бироқ зўрлаш таъқиқланади. Масжидга бормасдан мусулмончиликнинг барча қондаларига риоя этувчилар ҳам савобли иш қилган бўларканлар. Демак, динимиз бизнинг виждонимиздир. Йўлдан адашган (қонунбузарларни назарда тутаялман) бандаларни тарбиялаш, уларга йўл-йўриқ кўрсатиш эса барчанинг бурчидир. Бироқ жазо чоралари қўллаш вақолати фақат халқ судларига берилган.

Мен Наманган кўчала-

ридан бораётиб, бир йигит билан ҳамсухбат бўлиб қолдим. Гап яна «Ислом лашкарлари»га бориб тақалди. У оғзини тўлдириб гапирма кетди. «Улар маладес, яқинда бир кишини уриб, ўлдириб юборишди». «Нима учун?» «У аҳмоқ денг, ўзининг норасида қизларини зўрлабди, ҳа, ҳа, бу исботланган». «Нима учун айбдорни милицияга топширмай ўзларича жазоладилар? Ахир, бу жиноятку!»

Эмишки, қонунларимиз бўш, нари борса, у муттаҳам 15 йил билан қутулиб қолармиш. Келинг, энди айнан шу воқеани таҳлил қилиб кўрайлик. Уйлаб кўринг ва айтинг, қайси бир соғ одам ўзининг бир эмас, икки нафар ёш қизининг номусига чанг солади? Ўзини одам зотидан деб билган киши бундай қилмайди, албатта (ўта хавфли жиноятчи бўлса ҳам). Шунинг учун қонун, қонун ва яна қонун йўли билан иш юритиш керак.

Учрашувда сўзга чиққан ИИБ уюшган жиноятчилик ва коррупция билан кураш бошқармаси бошлиги милиция подполковниги Тўражон Холматов йирилганларни қонунбузарчиликнинг бундай қўришларига қарши қатъий зарба берамиз, деб ишонтирди.

Совет тумани Кенгашининг раиси Абдурашид Убайдуллаев кишиларнинг юрак-юракларига сақланиб ётган, бироқ айтишга журъат этилмай турган гапларни ўртага ташлади:

— Биз ўзимизга берилган ҳуқуқдан тўғри фойдалана олмаймиз. Бу эса мустақиллигимизга жиддий таҳлика солиши мумкин. Асосий ишимиз қолиб, ҳаммамиз сиёсатга берилиб кетдик. Ахир, қўлидан бирор иш келмайдиган танбал ҳам соатлаб ваъзхонлик қилиши мумкин.

Исмоил МИНАВВАРОВ.
СУРАТЛАРДА: учрашувдан лаҳзалар.



Ўзбекистон Жумҳурияти ИИБ ёнғиндан сақлаш бошқармаси ёнғинга қарши кураш усулларини мукамаллаштириш бўйича қатор ишларни амалга оширди.

Ушбу бошқарма томонидан олиб борилган текширишлар кўплаб корхона ва ташкилотларда ёнғин хавфсизлиги чоралари қўпол равишда бузилганлигини кўрсатди.

Ўтган 1991 йилнинг ўзида 18 минг 180 та корхона ва ташкилотларнинг иш фаолияти вақтинча тўхта-тилди. 72000 электр тармоқлари ва иситгич анжомлари техник носозлиги туфайли ўчириб қўйилди. 72234 корхона раҳбарлари, мутасадди шахсларга нисбатан маъмурий чоралар қўрилди. 29 корхона ва ташкилот раҳбарлари эса жиноий жавобгарликка тортилдилар.

Бироқ қўрилган чора-тадбирларга қарамай ўтган йилда 24 минг 929 та ёнғин содир бўлган. Улар келтирган зарар 27 миллион 837 минг сўмни ташкил этади.

1991 йилни 1990 йилга таққослаганда, ёнғинлар сонининг 2,3 фоизга камайганлиги кузатилади. Бироқ зарар 26,5 фоизга кўпайган. Энг ачинарлиси шундаки, ёнғинлар оқибатида 275 киши ҳалок бўлган, 2790 киши эса турли даражада тан жароҳатлари олган.


Таъкидлаб ўтиш керакки, матлубот ва давлат савдо тармоқларида ёнғиннинг олдини олишда ишлатила-

ДИҚҚАТ, ЁНҒИН!

диган воситалар ачинарли аҳволда. Бу ишда ўта ҳафсаласизлик сезилади. Шу икки тармоқнинг ўзидагина 551 та ёнғин юз берган. Оқибатда 2 миллион 800


минг сўмлик моддий зарар етказилган.

Масалан, 1991 йилнинг 19 апрелида Ангор матлубот жамиятига қарашли 3-савдо дўконида юз берган





«01» ОГОҲЛАНТИРАДИ

ёнғин натижасида давлатнинг 271 минг сўмлик мол-мулкни кулга айланади. Пахта тозалаш саноатида ҳам ёнғиннинг олдини олиш чораларига етарлича аҳами-



Ёнғинларнинг миқдори



ят берилмапти. Ўтган йилда бу ташкилотларда 163 та шундай кўнгилсизлик рўй бериб, 5 миллион сўмлик моддий зарар етган.

1991 йилнинг 13 майда Беруний туманидаги пахта заводининг тайёр маҳсулот сақланадиган жойидан чиққан олов 460 тонна пахта-нинг кулини кўкка соворди.

Афсуски соғлиқни сақлаш муассасаларида ҳам аҳвол яхши эмас. Бу даргоҳларда содир этилган 238 та ёнғин 81 минг 520 сўмни ямлади.

Фуқаролар оддий ёнғиндан сақлаш қондаларини бузганлари сабабли 17 минг 901 та бахтсиз ҳодиса қайд этилган. Улар кўрган моддий зиён эса 16 миллион 30 минг сўмга етган. Юзлаб оилалар бошпанасиз қолди. Албатта, улар қурбонсиз бўлмаган. Ҳаттоки бутун бир оила аъзолари ўт ичида қолиб кетганлиги ҳақида илғари ҳам хабарлар берилганди.

Бугунги бозор иқтисодиёти барча раҳбарларни тежамкорликка, ишбилармонликка ўргатмоқда. Шу боис улар бугун ўз қўлидаги бор нарсаларни асраб-авайлашга ўрганаётганлиги қувонарли. Бу борада эса ёнғиннинг олдини олиш ишларига эътиборни қучайтиришди. Шу мақсадда кўпроқ маблағ ҳам ажратмоқдалар.

Бироқ уларни имкони борича самарали ишлатиш лозим.

Ўзбекистон Жумҳурияти ИИБ ёнғиндан сақлаш бошқармасининг матбуот маркази.

ТАЙИНЛАНУВ

Наманган вилояти ИИБ бошлиги этиб милиция подполковниги Рустам Абдуллаевич Аббосов тайинланди. У 1951 йил Наманганда туғилган, ўзбек, маълумоти олий, 1977 йилда Тошкент давлат дорилфунунининг ҳуқуқшунослик куллиётини, 1986 йилда ИИБ Академиясини тугаллаган. 1971 йил майдан 1973 йил июнигача Совет Армияси сафида хизмат қилди.



Р. А. Аббосов ички ишлар идораларидаги хизматини Тошкент шаҳар Октябрь тумани ижроқўми ИИБ милиционерлигидан бошлади. Кейинчалик Наманган шаҳар ижроқўми ИИБда оператив-бошлиқлик таркибининг турли лавозимларида ишлади. 1977 йил февралда Тўрақўрғон тумани ИИБ бошлиги ўринбосари этиб, 1979 йил сентябрда эса Наманган тумани ИИБ бошлиги этиб тайинланди.

1984 йилда ИИБ Академиясига ўқишга жўнатилди, уни тугаллагач, Ўзбекистон Компартияси Андижон вилояти кўмитасида ишлади.

1989 йил ноябрда Наманган тумани ИИБ бошлиги этиб тайинланди.

Ўзбекистон Жумҳурияти ИИБнинг транспортдаги ички ишлар бошқармаси бошлиги этиб милиция полковниги Анвар Сатқулович Бадалбоев тайинланди. У 1941 йилда Бухорода туғилган, ўзбек, маълумоти олий, 1979 йилда Тошкент олий милиция мактабини битирган. 1965 йилдан бундан ички ишлар идораларида хизмат қилиб келмоқда.



Хизматни жумҳурият жамоат тартибини сақлаш вазирлиги милиция бошқармасида бошлади. Кейинчалик Тошкент шаҳар ижроқўми ИИБга бошчилик қилди, 1982 йил июлида эса Сурхондарё вилояти ИИБ бошлиги ўринбосарлигига кўтарилди. 1987-1989 йиллар мобайнида Ўрта Осиё транспортдаги ИИБ бошлиги ўринбосари бўлиб ишлади.

1989 йил ноябрда Собир Раҳимов тумани ИИБ бошлиги этиб, 1991 йил январда эса Тошкент шаҳар ижроқўми ИИБ бошлиги ўринбосари этиб тайинланди.

Утган йилнинг 14 май куни Янгиариқ туманининг «Москва» жамоа хўжалиги ҳудудида қамишзорда ўт ўриб юрган болалар чирий бошлаган одам жасадини кўриб қолдилар.

Милиция ходимлари бундан огоҳ бўлгач, эртасигаёқ унинг шахсини аниқладилар. Марҳум Урганч шаҳар Коммунистик кўчасидаги 46-уйнинг 8-хонадонда яшаб келган Валерий Владимирович Лобачков бўлиб чиқди.

Икки кундан сўнг эса қотил ҳам қўлга олинди. Қўйидаги ҳикоямиз ана шу жиноятнинг очилиши ҳақида.

Ярим тунда Валерий Раимбердининг эшигини қоқди. Унга хонадон соҳиби ширакайф ҳолда қарши чиқди.

— Келдингми, Валерий, қани ичкарига кир.

Долон (катта хона)нинг тўрида дастурхон беэтилган, ярами ичилган ароқ шишаси ҳамда совий бошлаган палов. Атрофдаги кўрпачаларда эса икки киши ётиққа ёнбошлаб ётарди.

— Таниш, Валерий, бу укам Жаббор, бу киши эса дойим (тоғам демоқчи — К. О.) бўладилар, — деди Раимберди. — Биз билан бир пиёла урарсан?

У шундай дея катта пиёлани тўлдириб ароқ қўйди ва меҳмонга узатди. Айни пайтда: «Бу гиёҳванд 700 сўм қарзини олиб келдимикан ёки яна «дори» дардидамикан?» — деб ўйланди.

Шундай қилиб оқ оғу билан тўлатилган пиёлалар жаранглаб уриштирилди. Кўп ўтмай бўшаган шишалар хонтахта остига юмалтилаверди.

Ниҳоят, кайфи ошиб қолган тоға ўрнидан турди, аммо уйига кетмай ойнаванд айвонга кириб чўзилди. Жабборберди эса гандираклай-гандираклай ўзи яшайдиган уйга йўл олди.

Хонадон соҳиби бу сафар иккита пиёлани тўлдириб ароқ қўйди, бирини Валерийга узатди. Меҳмон ароқни охиригача симириди, аммо бир қисми тўкилиб, соқоллари ўсиб кетган иягига оқиб тушди. Ана шундан кейингина Раимберди мақсадга кўчди.

— Хўш, Валерий, олиб келдингми?

— Тўғриси айтсам, Раим, пулим йўқ, аммо ўрнига ўтадиган нарсам бор, — у шундай дея чўнтагини пайпаслаб, никоҳ узугини чиқариб кўрсатди.

Раимберди узукни қўлига олиб кўрди. Иккиланди.

— Тиллага ўхшамайдикун?

Бу гапни эшитиб, Валерийнинг кўзлари қинидан чиқиб кетаёзди.

— Нима? Балки алмаштиришга улгургандирсан, сволоч!

— Ким сволоч?! Қани, сўзингни қайтиб ол! — Раимберди шундай дея чўнтагидан занжирга тақилган темир шар чиқарди. Валерий эса парво қилмади.

— Бор, ишингни қил...

Аммо у сўзини тугатолмади. Кўкрагига тушган зарбдан ўтириб қолди. Бироз ўзига келгач, хонтахта устидаги дастурхонни тортиб юборди. Чойнак-пиёлалар чил-чил снди.

— Сен сволочни аллақачон қурт-қумурсқаларга ем қилиш керак эди, — деди титраётган қўллари билан зарб еган жойини силаб. — Майли, барибир тухумингни қуритаман.

Раимберди чидаб туролмади. Темир шарни бир марта айлантириб, Валерийнинг бошига урди. Кейин яна урди. Ҳатто рақибни йиқилиб қолгандан сўнг ҳам уришдан тўхтамади.

— Ҳали сен менинг тухумини қуритадиган бўлдингми, аблаҳ! Узингни нариги дунёга жўнатмасамми, мараз!

Валерийнинг товуши чиқмай қолди. Раимберди эса калтагина арқон топиб келдида, унинг бўйнига

ўраб, торта бошлади. Шунда у ожизгина инграб қўйди.

— Ҳали ҳам тирикмисан, ит?!

Энди унинг кўкрагига кетма-кет тепаверди, тепаверди. Обдон тепгач, юрагига қулоқ тутди.

— Ана, энди тамом бўлдинг!

У мурдани омборгача тепиб киритдида, эшигини кулфлади. Қайтиб долонга кирди. Қон изларини йўқотиш керак эди. Боягина Лобачков ўтирган ёстиқ ва кўрпача жилдларини ечиб, ташқарига чиқди. Қўлидагиларни тан-

га отланди. Остонадан ҳатлаб ўтаркан, Лобачковнинг туфлисига кўзи тушди. Худди ўғри мисол тўрт томонга аланглаб олдида, туфлини рўзмомага ўраб, қўйнига тикди. Автобусдан Қуллобод канали кўпригига етганда тушди. Атрофда ҳеч ким йўқлигига ишонч ҳосил қилгач, бояги туфлини жимирлаб оқайтган сувга улоқтирди. Қўллари бир-бирига уриб, чангини қоқдида, қудалари яшайдиган уй томон юрди. Укаси шу ерда экан.

— Машинани ҳайда, иш чиқиб қолди, — деди Раимберди.

Йўл-йўлакай бўлган ишни айтиб берди.

— Чатоқ қилибсиз, энди яна қамашади, — деди Жабборберди. — Ўлдириш шартмиди жуда?

Акаси эса тўнғиллади.

— Фойдаси йўқ энди. Мени қамалмасин десанг, ўликни машинангга узоқ-

қумларни оралаб борарди. Кутилмаганда ака тўхта-тишни буюрди.

— Шу ерга ташлаб кетамиз. Кўмишга улгуролмаймиз, бояги милиционер келиб қолади, — деди ва Валерийнинг жонсиз жасадини пастга улоқтирди, қардон қоғозларни эса қамишлар орасига ташлади.

Урганча қайтиб келганларидан кейин Раимберди укасига шундай илтижо билан боқдики, энди унинг кўзларида аввалги дойораклигидан асар ҳам қолмаганди. Пушаймонлик аралаш даҳшат қотиб қолган эди қорачиқларида.

— Бу ҳақда оғиз очсанг, акам ўлди деб ҳисоблайвер, — деди ва бошини қуйи солганича ичкарига кириб кетди.

Эрини бундай афтодаҳол кайфиятда кўрмаган Жумагул аста ҳол сўради.

— Сизга нима бўлди, ранг-руйингиз...

— Юрагим ёнапти, юра-

ҚУМЛОҚДАГИ ЖАСАД

дирга ташлаб, бир боғлам гўзапоя келтирди. Солярка қўйиб, гугурт қақди. Тандирнинг оғзидан чиқаётган олов чор-атрофни ёритиб юборди.

Раимбердини шу пайтда асосий муаммо қийнади. Мурдани қаерга яшириш керак? Яқин-ўртага кўмиб ташласа, айби очилиб қолиши мумкин. «Укам Жабборбердининг «КАМАЗ»ида Шўркўлга олиб бориб ташлайман. У ёқларга одамзод кам боради, мабодо топиб олишганда ҳам, жасад чиринган бўлади. Ким ўлдирганини аниқлашолмайди», — деб ўйлади ва бу фикрдан мамнун бўлди.



Тонготарда ҳали ҳам ёниб турган чироқни ўчириб, узини тўшакка ташлади. Кўзини очганда, кун пешиндан оққанди.

— Жаббор қани? — деб сўради ҳовлида ивирсиб юрган онасидан.

— Болаларини олиб, қайнотасиникига кетган.

Раимберди укасини айтиб келиш мақсадида йўл-

роққа обориб кўмиб келамиз. Қўрқма, ўзим юклаб, ўзим тушираман.

Жабборберди бу гапларни икки қиллоқмасди. Машинани орқага юргизиб, дарвоза олдида қўйди. Ўзи эса кабинадан тушмай тумшайиб ўтираверди.

Раимберди у ёқ-бу ёққа аланглаб, уйга кирди.

— Қани ичкарига кининглар, ташқарига ҳеч ким чиқмасин! — деб ўдағайлади ҳовлида юрган хотинига.

Ўзи эса атрофга яна бир аланглаб олдида, машина бортини очди. Уч-тўртта қардон қоғоз келтириб, кувоз полига ташлади. Сўнгра яна атрофга олазарак кўз ташлаб олгач, омборхонага кириб, ўликни судраб чиқди. Дарвозага яқинлашгач, ихраб зўрға елкасига кўтариб олди.

— Ҳе, сени! — деб сўкинганча қоғоз устига ётқизди.

Бортни маҳкамлаб ёпиб, кабинага ўтирди. Ҳали ҳам қовонидан қор ёғиб турган укасининг юзига қарамай буюрди.

— Ҳайда!..

Машина бир силкиниб, шиддат билан юриб кетди. Шўркўлга яқинлашганда, ака-уканинг юраги бараварига «шиғ» этиб кетди. Бир-бирларига ҳадик қараб олишди. Чунки узоқда милиционер турарди.

— Ҳайдайвер, участковой бўлса керак, — деди Раимберди.

Машина тезлигини камайтирмай, унга тобора яқинлашди. Милиционер эса тўхташ ҳақида ишора қилди.

— Участка инспектори Матёкубовман, — деди милиционер ўзини таништириб, — Ҳужжатларингизни кўрсатсангиз.

— Шошилиб турибмиз, Шомурод баличиникига бораётгандик, аммо ҳужжатларим жойида, — деди Жабборберди пастга тушмай.

— Кўрсатинг унда.

Раимберди тирсаги билан укасини туртиб, шивирлади.

— Ҳайда!

Жабборберди шартта эшикни ёпиб, газни босди. Шамолдек учаётган «КАМАЗ» зум ўтмай «Москва» жамоа хўжалиги ҳудудида

гим! — деди эри кўксига муштлаб.

Ал қасос-ул минал ҳақ, деганлар. Муқаррар жазо даҳшатиданми ёки ёнаётган шамга монанд виждонининг ночор қийноғиданми, у азоб чекарди. Ҳатто уйқусида ҳам ҳаловат йўқ, бошлари ёрилган Валерий ҳар тун унинг оромини бузиб: «Тухумингни қуритаман, сволоч!» — деб айтарди.

Ниҳоят, ана шундай аросатдаги дамларга ҳам яқун ясалди. Хоразм вилояти ИИБ ЖҚБ ходимлари милиция подполковниги Баҳром Нурматов, милиция капитанлари Илҳом Яхшибоев, Отабек Муҳторов, Янгиариқ тумани ИИБ ЖҚБ катта оператив вакили милиция майори Баҳодир Эшоновларнинг бой тажрибалари ҳамда маҳоратлари бу сафар ҳам панд бермади.

Урганч шаҳрида истиқомат қилувчи Раимберди Отажоновнинг қонга бўялган қўлларига кишан солинди.

Тергов ҳаракатлари давомида у муқаддам судланган, жазони ўтаган бўлишига қарамай, уйда тария сақлаб келгани маълум бўлди. У ана шу оғуни гиёҳвандларга пуллаш билан шуғулланган. Жумладан милиция назоратида турган Илҳом Қодиров, Валерий Лобачков (марҳум), Марина Басаргина, Жабборберган Матчоновлар ҳам муттасил равишда ундан тария харид қилганлар.

Қотил қилмишига яраша жазоланди.

Лекин камина бу мақолани ёзаётиб, ўйланиб қолдим. Нима учун участка вакили Ф. Матёкубов қочиб кетган юк машинаси билан қизикмади? Қонуний талабини рад этиб, тезликни оширган ҳайдовчи ёки унинг ёнидаги кўзлари бежосахс, наҳотки, уни шубҳага солмади?

Тўғри, милиция лейтенанти машина рақамини ёзиб олган. Аммо бу ёзув жасад топилгунга қадар унинг дафтарида тураверган.

Агар у икки энлик қоғозга баённома ёзиб топширганида, тегишли ходимлар ўша пайтдаёқ жиноятни фош этган бўлишардими?

К. ОСТОНАЕВ.

ХОТИРА

ДЎСТ ЁДИ

Эртага ажойиб, дилкаш, билимдон сафдошимизнинг туғилган куни. Эртага 36 ёшга тўларди, у агар тирик бўлганида. Бироқ... Афсус.

Ҳаёт эса ўз йўлида давом этаверар экан, жиноятлар содир этилапти, ўғриллар ушланапти, жазоланапти, фақат у билан бирга ишлашганларнинг қалблари тубида бир ўксик, бир армон қолган: агар тирик бўлганида... У нафақат ажойиб хизматдош, балки дилкаш инсон ҳам эди. Шу сабаб бўлса керак ҳали-ҳали сафдошлар чуқур ҳўрсиниш ва афсус билан эслашади уни. Ўзи ҳам тиниб тинчимаган инсон эди. Олдин ўрта миляция мактабида ўқиди, сўнг олий мактабда. У ерни қизил диплом билан тамомлаган.

Ҳаёт шафқатсиз оқим, ҳамма нарсаи кимга ютиб, ҳаракатини давом эттириб кетаверади, вақт эса энг яхшиларни териб олаверади. Уша мудҳиш воқеа юз берганига ҳам мана олтинчи йил кетаяпти. Раҳмонқулнинг ўшандаги олти ойлик бўлган қизалоғи боғчага қатнамоқда, ўгли эса кап-катта бўлиб қолган — иккинчи синфда ўқияпти. Энди улар ҳаммасини билишади, тушунишади. Ўзи аслида нима бўлган эди?

Ушанда — 1986 йилнинг 9 август куни кечки пайт Гулистон шаҳар ИИБда ташвишли кўнгироқ бўлди: номаълум кимса ёшгина қизалоғини зўрлапти. ЖҚБ бошлиғи милиция капитани Раҳмонқул Аноров оператив гуруҳ билан йўлга тушди. У бунга қадар ЖҚБнинг катта назоратчиси, ВХСС бошлиғи вазибаларида ишлаган, яқинда янада юқори рақамга кўтарилиши кутулаётган эди. Хуллас гуруҳ воқеа жойига етиб келганида жиноятчи яшириниб улгурган эди. Қидирув бошланди.

У эртаси куни Тошкентга кетмоқчи бўлиб турган эди. Вазият бу режани пучга чиқарди: тунги соат икки яримга жиноятчини қидириш билан машғул бўлди.

Эрталаб яна ҳеч нарса бўлмагандек соат саккизларда ишга келади. Худди шу пайтда 1-депардан ташвишли хабар тушди: тезда етиб келинлар, кимнидир ўлдиришяпти...

Тўрт кишидан иборат гуруҳ йўлга тушди. Уларнинг ичиде Раҳмонқул ҳам бор эди. Воқеа жойига етиб келинганда, атроф тиниб қолган, кейин маълум бўлишича, қотил ишини қилиб бўлган экан. Айтилган хонадон иккинчи қаватда бўлиб, зинадан биринчи бўлиб у чиқа бошлади. Шинддати ўткир эди унинг шу пайтда. Сўнгги погоналарни босиб ўтаётган чоғида ўнг томондаги эшик очилиб, қўлида қип-қизил қонга беланган пичоқ тутган бир йигит чиқди. Важоҳати даҳшатли эди унинг, лекин бизнинг капитанимиз ҳам бўш келадиганлардан эмас эди. У даврларда милиционерларга қўрол берилмасди ҳисоб. Унда ўқ отиш у ёқда турсин, кўтариб бирор жойга кирганинги кимдир кўриб қолса, катта шов-шув бўлиб, қатор чоралар кўрилар эди. Ўртоғимиз ҳам худди мана шунинг оқибатида қўрол бўлди.

Жиноятчига шердек отилиб, Раҳмонқул уни пичоқ тутган қўлининг билагидан ушлади. Лекин шилимишга қонга беланган билдан унинг бармоқлари сирпаниб кетди. Ўзини ҳимоя қилган милиционер шу ерда турган ўтиришни олиб, қотилни бурчакка қисиб борди, лекин унинг пичоқ тутган қўллари бўш эди. Пичоқ тутган қўллари эркин ҳаракат қила оларди унинг.

Ҳаммаси оний бир вақтда юз берди: орқадан келадиганлар юқорига чиқиб улгуришмаган эди, бир қарашда масала ҳалдек, милиционер жиноятчини бурчакка қисиб қўйиб, уни ҳаракатланишига умуман имкон қолдирмаган, қўролсизлантирилса... Бирдан қотил қўлидаги пичоқни зарб билан серпиди... Пичоқ Раҳмонқулнинг қорнидан кўкрагига



тилиб юборганди. У ҳолсизланиб йиқилди. Қотил эса фурсатдан фойдаланиб ўзига ҳам пичоқ санчди.

Аслида бу машаа ҳам оилавий жанжаллардан келиб чиққан. Шаҳарнинг бир четиде умргузаронлик қилиб юрган эр-хотин келишмай қолишади. Йигит хотинининг уйида яшаётгани, жанжал кўпаявергач, бу хонадонни тарк этади ва бошқа бир аёлга уйланишга қарор қилади. Лекин... у эр бўлмайди. Ушанда у касалхонада даволанаётган эди. Нимадир таъсир қилади, у ердан қочиб, тўғри собиқ хотинининг хонадонига келади ўша машғум куни эрталаб. «Сен мени иссиқ-совуқ қилиб қўйгансан», — деб аёлни пичоқлайди. Бахтга қарши қайнотаси ҳам шу ерда бўлиб, ўртага тушгач, уни ҳам чавақлаб ташлайди. Оператив гуруҳ етиб келганида, йигит иккаласини ўлдириб чиқаётган эди.

Икки кун мобайнида шахсий таркиб тиним билгани йўқ. Қони биринчи гуруҳ бўлган барча ходимларимиз Раҳмонқулжонни сақлаб қолиш учун қон тоширдилар. Уша кунларда ҳаммаси бўлиб саккиз литр қон қўйишди унга. Барибир фойдаси бўлмади. У ёру дунё билан видолашди.

Қотилга ҳам яшаш насиб қилмади, орадан кўп ўтмай касалхонада ўлди.

Улимидан сўнг милиция капитани Раҳмонқул Аноров кўрсатган жасорати учун «Қизил Юлдуз» ордени билан тақдирланди.

Ҳаёт эса давом этаверар экан. Мана орадан қанча вақт ўтди кетди, лекин шахсий таркиб бу ажойиб, дилкаш сафдошни сира унутмайди. Бундай инсонларни унутиб бўлмас, бундай инсонларни хотирлаш оғир... Унинг оиласидан хабардор бўлиб тураман, ўксик қалбларига тасалли бўлсин учун болаларига байрамларда совға-салом элтаман. Хотирасини абадийлаштириш учун яқинда Гулистон шаҳридаги кўчалардан бирига унинг номи қўйилишига эришдик... Албатта, булар ҳаммаси эрта сафимиздан кетган ўртоғимиз олдидаги бурчларимиз, холос.

Агар тирик бўлганида, 36 ёшга тўлган бўларди эртага... Лекин у бизнинг қалбимиздан абадий 30 ёшлик, куч-ғайратга тўла, навқирон йигит сифатида жой олган.

Туғилган кунинг муборак, Раҳмонқулжон! Худо шахидларни раҳмат қилсин!

Пардабой ЖУМАЕВ,
Гулистон шаҳар ИИБ бошлиғи вазибаларнинг бажарувчи милиция подполковниги.

ҚУТЛАЙМИЗ

Мен Ҳадича Зарипова Бухоро туманидаги Ленин йўли номли жамоа хўжалиги ҳудудидаги Туркон қишлоғида истиқомат қиламан. Турмуш ўртоғим Жўра Зарипов 17 йилдан буён Бухоро шаҳридаги ИИБда ишлайди. 25 февралда у кишининг туғилган кунлари.

Биз сизлардан рўзнома орқали табригимизни еткази-

шингизни сўраймиз. Биз у кишига узоқ умр, сihat-саломатлик, келгуси ишларида каттадан-катта му-

ваффақиятлар тилаймиз. Бахтимизга ҳамиша омон бўлсинлар.

Қизлари ЗЕБИ, ЗИЙНАТ, ўғиллари ЗАФАР, ЗАРИФ, ЗАВҚИЙ, рафиқаси ҲАДИЧА ЗАРИПОВА.

ТАҲРИРИЯТДАН:
Рўзномамизга самимий дил сўзлари битилган табрик хатлари кўплаб келмоқда. Таҳририят шу мазмундаги мактубларни нақд пулга ёки пул ўтказиш шарти билан чоп этиб боради.

Ойнаи Жаҳонда

СЕСАНБА, 25. II	ЧОРШАНБА, 26. II
<p>● УзТВ I</p> <p>8.00 «Ўзбекистон» ахбороти. 8.25 Фильм концерт. 9.00 Бадий фильм. 10.30 «Ёшлик».</p> <p>18.00 Янгилликлар. 18.10 Мультфильм. 18.20 «Истеъмол бозори ҳақида ўйлар». 19.00 «Ўзбекистон» ахбороти. 19.20 «Тадбиркорлар». 19.55 «Тилимиз муаммолари». 20.30 «Ўзбекистон» ахбороти. 20.55 «Истеъдод». 21.45 Қўзижон Отажонов куйлайди. 22.20 Бадий фильм.</p> <p>● УзТВ II</p> <p>«ТОШКЕНТ»</p> <p>СТУДИЯСИ КЎРСАТАДИ</p> <p>18.30 «Йўлингиз бехатар бўлсин». 19.00 Классик оперетталар саҳифаларидан. 19.40 Кичик концерт. 20.00 «Пульс». 20.10 Спорт кинопанорамаси. 21.10 «Устахона». 21.50 «Кинонигоҳ». 23.35 «Пульс».</p> <p>● «ОРБИТА IV»</p> <p>[Москва]</p> <p>6.00 «Тонг». 8.35 Концерт. 9.20 Россиянинг Тургенов қадимжолари. 10.25 Телевизион бадий фильм. 11.30 Хужжатли фильм.</p> <p>12.00 Янгилликлар. 12.20 Хужжатли фильм. 12.50 С. Танеев, 2-симфония. 13.25 Ритмик гимнастика. 13.55 «Ока дарёси яқинидаги уй». 14.25 «Ён дафтар». 14.30 «Бу сизга керакми?». 14.45 «Савдо растаси».</p> <p>15.00 Янгилликлар. 15.20 Нафас олиш гимнастикаси. 15.35 «Кулаётган одам». Уч серияли телевизион бадий фильм. 1-серия. 16.50 «Болалар мусиқий клуби». 17.30 «Чемпионлар билан биргаликда».</p> <p>17.45 Халқаро телемарафон.</p> <p>18.00 Янгилликлар. 18.20 «Тунги альбом». 19.00 Мультфильмлар. 19.10 «Хужжат». 19.40 «Танобчилар даври». Уч серияли телевизион бадий фильм премьераси. 2-серия. 20.45 Хайрли тун, кичкинтойлар! 21.00 Янгилликлар. 21.20 «Кинопанорама». 22.35 «Мусиқий қарвон сарой». 23.40 «Беш плюс». 00.40 Теннис. 01.10 Майя Кристалинскаяни эслаб.</p> <p>● «ДУБЛЬ IV»</p> <p>[Москва]</p> <p>8.00 Хабарлар. 8.20 Француз тили. 8.50 Ишдан бўш пайтингизда. 9.05 Француз тили. 9.35 Болалар соати. 10.35 Осетиянинг навқирон мусавирлари. 10.50 «Қалб армуғони». 11.35 ГАРБИЙ СИБИРЬ кинохроника студиясининг фильмлари. 12.25 «Нарти» отлар театри. 13.25 Амалий ҳамкорлик ҳақида кўрсатув. 13.45 Деҳқонларга тааллуқли масала. 14.00 «Россия бизнесмени-91». 16.20 «Умр кузи». 16.35 Концерт. 17.00 «Простор». 17.35 «Русское видео». 18.00 Хабарлар. 18.25 Телевизион ахборот тижорат кўрсатуви. 18.40 «Мансаб алифбоси». 18.55 Ишдан бўш пайтингизда. 19.20 «Ҳар кун байрам». 19.35 Россия телевидениеси ҳамда РИА телевидениеси таништиради. 22.00 Хабарлар. 22.25 Россия телевидениеси ҳамда РИА телевидениеси таништиради. 00.30 «Ким билсин мангуликми ёки лаҳза».</p>	<p>● УзТВ I</p> <p>8.00 «Ўзбекистон» ахбороти. 8.25 Телефильм. 8.55 «Маҳфий элчи». Бадий фильм. 1-2 сериялар. 11.05 «Ёшлик». 18.00 Янгилликлар. 18.10 Мультфильм. 18.30 Болалар учун. 19.00 «Ўзбекистон» ахбороти. 19.20 «Эл тинчилиги йўлида». 19.50 «Мерос». 20.15 «Тадбиркорлар ҳузурида». 20.30 «Ўзбекистон» ахбороти. 20.55 «Оила». 22.20 «Мукофотлансин. (Улимидан сўнг)». Бадий фильм.</p> <p>● УзТВ II</p> <p>«ТОШКЕНТ»</p> <p>СТУДИЯСИ КЎРСАТАДИ.</p> <p>18.30 Мультфильмлар. 19.20 «Ассалом, Қувайт!». 19.50 «Узоқ ўтмиш». Бадий фильм. 21.20 «Шунчаки ҳазил». 21.50 «Раъно Шарипова ҳузурида». 22.25 Театр шарҳи.</p> <p>● «ОРБИТА IV»</p> <p>[Москва]</p> <p>6.00 «Тонг». 8.30 «Болалар мусиқий клуби». 9.10 «Чемпионлар билан биргаликда». 9.25 «Танобчилар даври». Уч серияли телевизион бадий фильм премьераси. 3-серия. 10.45 «Кинопанорама». 12.00 Янгилликлар. 12.20 Телефильм. 13.05 Янги номлар. 13.55 «Қандай қилиб муваффақиятга эришиш мумкин?». 14.10 «Ён дафтар». 14.15 «Телемикст».</p> <p>15.00 Янгилликлар. 15.20 Концерт. 15.50 «Кулаётган одам». Уч серияли телевизион бадий фильм. 2-серия. 17.00 «Истеъдодлар ва мухлислар». 17.50 Халқаро телемарафон. 18.00 Янгилликлар. 18.20 «Икки томон ҳақ бўлса, у ҳолда ким ҳақ?». 18.50 «Мусиқани кўзим билан кўрмоқчиман». 19.25 «Танобчилар даври». Уч серияли телевизион бадий фильм премьераси. 3-серия. 20.45 Хайрли тун, кичкинтойлар! 21.00 Янгилликлар. 21.20 Хроникал-хужжатли фильм. 22.15 «Сердаро». Телевикторина. 23.10 Мусавир Татьяна Маврина. 23.45 Дем олиш кўрсатуви. 01.05 Теннис.</p> <p>● «ДУБЛЬ IV»</p> <p>[Москва]</p> <p>8.00 Хабарлар. 8.20 Немис тили. 8.50 Ишдан бўш пайтингизда. 9.05 Немис тили. 9.35 «Тунда ким ўроқ ўради?». 10.05 «Тилла шпора». 11.05 ГАРБИЙ СИБИРЬ кинохроника студиясининг фильмлари. 11.45 А. Н. Скрябин туғилган кунининг 120 йиллигига бағишланади. 12.15 «Бешинчи гилдирак».</p> <p>16.25 Болалар соати. 17.25 «Менеджерлар мактаби». 18.00 Хабарлар. 18.20 «Ҳар кун байрам». 18.35 Телевизион ахборот тижорат кўрсатуви. 18.50 «Узоқ Шарқ» телекўрсатуви. 19.35 «Эконом». 19.50 Россиянинг парламент хабарномаси. 20.05 «Ҳар кун байрам». 20.15 «Менга сўз беринг». 20.30 «Футбол йиллар оша». 22.00 Хабарлар. 22.20 «Экзотика». 23.20 «Асл ҳолича».</p> <p>[Тошкентдан гапирамиз ва кўрсатамиз] ҳафталигидан олинди].</p>

МАНЗИЛГОҲИМИЗ: 700029, Тошкент, Лопатин кўчаси, 1.
Ўзбекистон Жумҳурияти «Шарқ» нашриёт-матбаачилик концерни бошмахонаси. 700083, Тошкент, Ленинград кўчаси, 32.

Телефонлар: муҳаррир — 54-37-91, муҳаррир ўринбосари — 39-77-23, муҳбирлар бўлими — 59-26-56, 59-20-92, умуий бўлими — 59-21-21.
Обуна рақами — 64615. ● 43920 нускада чоп этилди.